

左恪靖侯奏稿續編

恪靖奏稿續編卷五十二目錄

肅州官軍克復外城殲斃首逆摺

敬籌採糧轉運核實支銷摺

購備駝隻情形片

擒剿楊瞎油什等逆片

通剿肅城踞逆及親赴前敵籌辦摺

肅州官軍克復外城殲斃首逆摺

奏爲官軍圍攻肅城踞逆越境克復外城殲斃首逆現
正緊逼城根加解攻具併力攻剿情形由驛馳陳仰祈
聖鑒事竊官軍自三月十八日至五月廿八日逼攻肅
城踞逆獲勝及宋慶率營抵肅與金順徐占彪會剿情
形業於六月十一日詳晰陳明五月二十九日徐占彪
令副將鄧增相度地勢於城西禮拜寺修築礮臺安置
後膛礮位六月初一日連開一百五十礮轟塌城上女
牆七處城身外面磚石坍塌三丈有奇礮子入土轟炸

狀類蜂房而城身仍未迸裂初二日復轟一百五十礮
傾圯之處亦多當令每營各挑壯士百名預備乘勢登
城賊於西城南北兩角伏匿死黨二三千名並於城上
加砌橫牆以備堵禦黃夜將城上盡鉅之處補砌完好
徐占彪以城身堅厚轟攻驟難得手察看附城東關房
屋櫛比舊爲市廛踴頭城堞雖與內城一律然磚石厚
而附城之土稍薄利於轟擊初六日會商宋慶於關外
叢塚中逼築營壘修立礮臺初八夜三更南稍門出賊
七八百來攻城上城下又鎗如雨徐占彪與宋慶一面

以洋礮劈山礮連環迎擊約斃悍賊百餘一面會同各軍督眾興工初九日各營卡成遂於營卡中急築礮臺三軍聲息相接初十日未刻南稍門復出賊一二千分爲兩股一撲宋軍長壕一撲徐軍水卡徐占彪以洋礮劈山礮憑壕轟斃十餘賊賊即敗遁宋軍越壕追剿賊復拚鬥不卻宋軍繞出賊後左衝右突勇氣百倍金順又派隊前來助剿鎗礮環攻賊向墳塚低窪處避匿倏礮聲稍息仍敢直前猛撲時已晚矣徐占彪調後膛礮向賊叢連轟十餘響斃數十名賊始敗竄入城金軍亦

於東關重壕內逼築礮臺與徐軍互爲犄角地勢均高
於城俯瞰關內瞭如指掌據逃出漢民供稱城賊見官
軍愈逼愈緊各懷怨忿由關外來援巨酋馬六元帥卽
馬得振圖向關外竄走土回馬四欲留其共守堅城然
亦迄無成說十五日修築工竣礮臺距東關城垣僅一
矢之遙一濠之隔十六日徐占彪飭鄧增與守備陳文
英督轟百二十礮毀城堞十餘處城身轟塌六七尺寬
三丈有奇十七十八兩日復增築礮臺高二三丈寬三
丈有奇賊復於夜間糞土堆砌雜以毡包草筐門板仍

行堵閉十九日復轟塌之連日轟倒城身寬六七丈高七八尺左右雉堞均經轟塌礮子飛入城中號哭之聲直達城外其轟塌之土囊毡包草筐門板諸物堆積城根金順亦用開花礮於東北角轟塌關城三四丈壕口十餘處正擬騰躍而上惟關城緊隔一壕深約三四丈壕內注水約二三丈內有泉眼數處冬夏不涸古所謂酒泉也賊於壕頭築壩蓄水深不可踰仍廢然而途徐占彪派隊夜探壕口係用木椿密釘外加木板土封牢固難以挾洩徐占彪飭各營穿暗渠避賊鎗礮伏行至

濠口併力紮卡以便開掘二十一二十二等日東北兩稍門出悍賊千餘晝夜來爭連撲七八次均經官軍擊敗賊屍狼藉濠邊營卡已成金宋兩軍亦在東北東南兩角添築二壘聯絡聲勢賊見憤甚復拚死奮拒鎗礮止短兵接官軍大呼陷陣與賊扭縶捉髮縱橫搏擊陣斃偽千長馬孔一名其餘悍賊死者無算閏六月初四夜壩頭掘開濠水漫溢徐占彪令用樹枝青草填塞賊擲火具焚之不果初五日徐占彪復飭各營多運土石填濠初六日晨發後乘守賊稍懈徐占彪商宋慶各挑壯

士越濠猛撲徐占彪親率總兵李玉春參將方友升游擊武朝聘等首先登城賊由南北兩面蜂擁來撲均頭裹白巾袒臂譟譟遁金宋兩軍均蟻附而上立將東關克復賊焚燬關內房屋糧料紛紛遁入大城閉門拒守其不及逃入者投井自縊並殲斃之賊不可勝計忽北稍門南稍門大南門各出死黨分路夾擊官軍之後時宋軍總兵姜桂題等擊退南稍門之賊總兵李寶林都司馬玉書等合金軍擊退北稍門之賊賊死傷塞路徐占彪一面派隊紮東關正門樓一面撥隊擊退大南門

之賊宋慶宗東南角樓金軍紮東北角樓是日城賊見官軍已破東關山馬步四五百蜂撲官軍南濠意在解東關之危守南濠游擊秦玉盛分三路怒馬馳擊斃賊四十餘名生擒賊目沙州王營僞元帥蘇洪有肅城大阿訇何福榮馬王修等初九日徐占彪督隊於中街紮卡守禦城內擁出賊二三千奮力奪卡徐占彪督隊巷戰卻之左腿被賊鎗子洞穿兩處幸尙未損筋骨初十日幫統蜀軍提督黃虎臣與先鋒營營官總兵李玉春率隊由大街直進金順由大街之北宋慶由大街之南

分三路於街中築壘距東城根約一矢之遠賊仍晝夜
拚死來爭兇敵仍熾官軍時有傷亡蓋處於必死之地
故鬪志益決也據城內投出回民馬咸奉供稱初九日
撲卡之首逆馬得振卽僞元帥馬六又名馬正國本關
外著名悍賊是日左額莽中鎗子重傷卽時伏誅其餘
悍賊死者甚眾宋慶所報亦同蓋卽徐占彪受傷之頃
也刻下金軍開花礮逐日轟擊來北城堞時見摧倒徐
占彪礮臺已成礮聲昕夕不斷宋軍於克東關時得有
賊之火礮劈山礮宋慶令總兵宋得勝由南寨牆進紮

逼至南稍門用礮對門施放又令提督蔣東才將城外
東南長濠再向內緊逼添築營壘正在興工十七夜三
鼓賊由北城縋出數百人猛撲金軍長濠當被擊敗各
官軍逼攻東城而關上城外晝夜巡哨不遺餘力臣於
閏六月初六日又派副將賴長添解二號螺絲後膛礮
一尊及後膛螺絲大礮合膛子並礮子千顆前往助剿
據報二十四日可抵肅城飭一面開挖地道一面以大
礮向城門轟攻或測向城中房屋多處施放務將踞逆
拍斬淨盡立復堅城毋任一名免脫庶此處辦理得手

將來關外各賊亦必聞風喪膽所有圍攻肅逆克復東
關並緊逼城根迅籌攻拔堅城情形謹詳晰馳

奏伏乞一

皇上聖鑒謹

奏 同治十二年七月初三日

敬籌採糧轉運核實支銷摺

奏爲敬籌採糧轉運核實支銷以裕軍食仰祈

聖鑒事竊維西北用兵利鈍在軍食之盈虛軍食之盈
虛在採購之多寡轉輸之遲速而其要必先核實各軍

支食之人馬爲採運之准數然後支食之月日久暫可得而稽轉運之車馱道里採糧之遠近多寡可得而計也臣奉

諭籌辦金順一軍糧運自應合關內外各軍糧料轉運按人馬實數兼籌並計然後支發維均不至有彼贏此絀之虞稽核較易又可免冒領浮銷之弊除徐占彪一軍均係楚軍營制有冊籍可稽外其金順宋慶張曜三軍人馬實數無從得悉其詳查各軍馬步營制不一步軍有五百人爲一營者亦有二三百人號稱一營者馬

軍有二百五十騎爲一營者亦有百數十騎爲一營者若按照營數支發糧料不獨虛糜可惜且彼此相形之下多者與少者一例支銷必致爭論紛紜無以服其心而杜其口臣咨各軍詳詢人馬實數者以此旋准宋慶覆稱所部毅軍馬步共二十一營原因營官人財不齊故管帶之數多寡不一未能照步軍五百人爲一營馬軍二百五十騎爲一營之制然實計馬步戰勇共七千六百名加以每營長夫百名及隨員戈什車駝夫應領食軍糧者不下萬人戰馬四百匹各營駄運軍裝鍋帳

駝隻馬匹及統領營官隨員戰馬坐騎尙不在內今按
實在人馬數目步軍照五百人一營馬軍照二百五十
騎合計馬步共作十六營馬隊共作兩營每日每名計
淨糧一斤十兩加以隨員人等統照萬人計算每月約
需糧四十八萬七千五百斤料四萬八千斤又准張曜
覆稱所部馬步十四營步隊每營勇丁併長夫共五百
名每日每營應支淨糧八百一十二斤牛合計每月十
二營需糧二十九萬二千五百斤馬隊兩營每營二百
五十騎每日每營應支糧五百斤每月應支糧一萬五

千斤戰馬五百匹每日每匹支料四斤每月應支料六萬斤統計馬步勇丁每月共需糧三十二萬二千餘斤料六萬斤其金順所部馬步實數臣處無冊籍可稽惟准咨開原二十一營加成祿一軍馬步十六營其馬步三十七營臣飭安肅道史念祖親往商詢實數再三統懇始准照三十營計算然就臣所聞見言之照實數歸併金順所部不過十一二營成祿所部現存者不過數營今姑作二十營併算則人數已足一萬二千名其支發糧料章程照張曜宋慶兩營章程料之委屬有虞無

紉此各軍應需糧食約畧數目也至轉運一節張曜所部每月祇能自運一半宋慶所部駝隻車馱稍多亦須由局幫運至金順所部轉運牲畜則全需由局籌辦據史念祖稟金順所部照三十營支發糧料由肅州運至玉門須駝二千八百餘隻由玉門運安西需駝三千五百餘隻無論駝價昂貴倍於從前無從設措且蒙古各旗因頻年被擾產駝不旺藉口居奇購辦益形艱阻臣所委赴各路員弁稟報相同現飭於內地回番部落重價按羅未知能否得有成數如金順一軍馬步能核實支

發還贖餉尙資節省否則虛擁多營又將成坐食逕延之
局且出關之舉不能專恃金順一軍將來必仍須從關
內派撥此時旣悉素以從後有勁旅又將苦於糧運不
濟無從趨赴於機局殊有關繫此不得不從長計議預
爲陳明者也可否仰懇

飭下金順深思兵貴精實之義汰去虛冗疲乏將弁兵
勇歸併成營庶制勝有權免貽異日之悔大局之幸亦
金順與臣之幸也臣因西師久無成功此次出關須操
全算未可仍前率畧致啟戎心故不敢不盡其愚不僅

爲糧料轉運暫圖省便起見至金順全軍餉銀據稱每
年祇收到三十餘萬兩似實不敷臣無從查考可否
飭下部臣查催俾免掣肘緣宋慶張曜兩軍皆議及津
貼而金順兼統成祿所部若令據實冊報不可不明給
津貼以昭平允而慰軍心謹一併據實馳陳伏乞

皇上聖鑒訓示施行謹

奏

同治十二年七月初三日

購備駝隻情形片

再現在關內大兵雲集將來出關轉運糧料軍火尤非

多購駝不可 臣前派都司張泰周克忠等帶領現銀
前赴阿拉善並檄該旗協埋臺吉阿布哩派委妥弁導
引至鄂爾多斯烏拉特三公哈喇哈等處挑買壯健駝
駝又派後營守備白高年等帶銀赴鎮番等處採買駝
隻旋據張泰等稟稱行抵阿拉善據阿臺吉稱去年亢
旱駝隻缺乏現有之駝係蒙古民人馱運商貨不肯出
售且駝價翔貴難以採買至各旗路途遙遠駝價更昂
徒勞往返等語阿布哩自行呈覆無異又據白高年等
稟稱蒙古游牧之駝均被蒙古印房調去以致駝價日

昂等情臣維向例軍需調用蒙古駝隻原可無需用價
卽照例發價每駝一隻給銀八兩而止此次臣念蒙旗
迭遭兵燹特派員前往携銀照時價收買原仰遵

朝廷體恤藩部至意阿拉善縱無可構其烏拉特等處
素係產駝之區探聞尙供採買乃該臺吉阿布哩巧詞
搪塞不但於本處一意推諉且並派弁引導亦敢任意
阻撓且並將各處游牧之駝飭印房調去其抬價居奇
致誤要需殊出意料之外臣前接張曜緘稱有蒙官貪
利駝難採辦之說觀此益信除再嚴飭協理臺吉阿布

理遵照妥辦並允多給價銀外相應請

旨飭令阿拉善親王貢桑珠爾默特迅速回旗承辦以
免貽誤臣爲籌辦緊要軍需並此後尙需採購以顧轉
運起見是否有當謹附片具陳伏乞

皇上訓示施行謹

奏

同治十二年七月初三日

軍機大臣 字寄同治十二年月十四日奉

上諭左宗棠奏攻克肅州外城情形一摺與金順前奏
大畧相同現在各軍已逼城添築營壘併力轟擊左宗

案又派員押解礮位前往助剿賊勢窮蹙不難聚而殲
旃卽著左宗棠飭令徐占彪會同宋慶迅將肅州地期
攻拔盡掃妖氛毋令一名漏網又奏籌辦採糧轉輸事
宜暨購備駝隻各摺片各營糧料轉運自應按照人馬
實數核實支銷以免浮冒現據左宗棠查明除徐占彪
所部有朋可稽外宋慶馬步共作十八營張曜馬步十
四營金順並接統成祿所部共作二十營並將轉運章
程分別籌畫所奏甚爲詳悉著照所議將各該營應需
糧料照數源源接濟毋令缺乏經此次核定後各該營

如有缺額以少報多冒領洋銷卽著該大臣隨時查明
參奏兵貴精不貴多金順各營自可汰弱留強不必虛
擁多營耗軍需而無實際著該前將軍酌度情形從長
計議將各營歸併裁汰咨明實在數目以便左宗棠設
法供支各省應解金順及接統成祿一軍協餉著戶部
查明催令迅解金順軍營以資應用毋得遲延阿拉善
旗採辦駝隻意存推諉且有抬價居奇情事協理臺吉
阿布哩辦公未能踴躍著理藩院飭令貢桑殊爾默特
迅速回旗承辦以免貽誤烏拉特等旗向係產駝之區

足供採買著定安就近飭令各該旗會同左宗棠委員
採辦不准阻撓推諉將此由六百里各諭令知之欽此

擒剿楊瞎油什等逆片

再河州東鄉逆目騎賊楊瞎油什康七箇子自去年漏
網後率其悍黨三十餘騎伺間劫掠蹤跡飄忽異常諸
軍雖星羅棋布探蹤合剿間有擒斬而元惡未除終爲
可慮六月十三夜統領宗岳軍提督張仲春偵知該逆
等由董家山竄入大東鄉張仲春立飭分駐甯河七甲
集各營夤夜截剿自率馬隊向該匪舊跡之張岔莊追

捕及抵該處賊又他處緊追至那勒寺川時甫黎明遙見楊瞎油什數騎飄瞥馳過張仲春策騎奮追該匪等盤馬開鎗都司劉煥章中鎗殞命張仲春憤甚驟馬而前撞楊瞎油什墜馬即奪其馬該逆仍躍上他馬飛駛逸去張仲春即騎所奪賊馬緊追適前阻深澗楊瞎油什所騎生馬未能躍過張仲春追及又恰遇副白旗馬隊馳至奮力夾擊陣斬悍賊數名立將匪首楊瞎油什康七箇子馬照清等三犯擒獲張仲春遂將夥黨馬照清一犯解交河州鎮沈玉遂引捕夥黨親押匪首楊瞎

油什康七箇子解赴蘭州臣比說明盡法處死衆不嗣
據沈玉遂報續獲賊黨馬成明卽金滿滿拉馬朶五十
馬喜兒馬兒洒馬勒黑馬主麻馬阿力木馬照清馬瞎
力木馬良成卽馬台合馬瞎個馬祿祿馬雙個金如林
等說明斬決漢回番撒覲聞之下無不慶幸歡躍臣維
楊瞎油什一犯本是河州剽盜向以出外劫掠爲生相
貌不踰中人而馬上用鎗百發百中在河狄最稱絕技
至今回民談之猶爲色變此次經提督張仲春窮追手
縛實快人心應請

旨將張仲春飭部從優議敘以示激勸其中鎗殞命之
都司劉煥章合無仰懇

天恩敕部照都司陣亡例從優議卹以慰忠魂謹附片
具陳伏乞

聖鑒謹

奏

同治十二年七月初三日

同治十二年七月十四日內閣奉

上諭左宗棠奏擒獲逆目並續獲賊黨請將出力陣亡
之員弁獎卹等語河州東鄉逆目楊曜油什等自去

漏網後率黨劫掠竊忽異常經提督張仲春窮追手縛
並擒獲賊黨馬成明等訊正明法實足以快人心而彰
國憲所有出力之提督張仲春著交部從優議敘陣亡
之都司劉煥章著交部照都司陣亡例從優議卹該部
知道欽此

逼剿肅城踞逆及親赴前敵籌辦摺

奏爲臣軍圍攻肅城踞逆逼城築壘併力攻剿及臣親
赴前敵商酌機宜籌辦糧運各情形由驛馳陳仰祈
聖鑒事竊官軍自五月二十九日至閏六月初十日圍
攻肅逆克復東關殲斃首逆並緊逼城根迭籌攻拔堅
城情形業於七月初三日詳晰陳明閏六月十一夜十
六等日督統蜀軍提督黃虎臣合金順宋慶兩軍進逼
城根修築營壘賊拚死來爭黃虎臣督隊巷戰卻之十
七日復於大街壘卡中修築礮臺用大礮對門施放並

開掘地道二十日徐占彪以各軍進紮關廟長壕頗覺
空虛徐占彪又因調治腿傷未能領隊慮賊從南突竄
遂商金順朱慶兩軍仍駐東關徐軍移紮長壕並令黃
虎臣於大南門外逼城修築礮臺預備轟攻二十五日
礮臺將成適臣續派助攻之總兵銜副將曠長管解後
膛礮並開花礮子到營二十六日徐占彪飭蜀軍新左
正右兩營連夜修築營卡二座距南城根不及半里二
十七日辰刻賊見官軍紮卡扼其吭嚨長關放大礮轟
坍三塚忽大南門突出悍賊二千餘分兩股飛奔奪其

維時卡牆甫成介丁正搬運鍋帳守卡兵單不能抵禦
兩卡均被奪踞參將方友升見賊已入卡牆率所部騎
兵下馬陷陣賊均出卡猛撲鎗子雨注方友升頸中飛
子重傷直貫脊骨賊乘勢直撲破臺賴長令礮隊勇丁
用洋鎗測準連斃悍賊十餘並開大礮擊後隊之賊及
踞卡各賊轟斃甚多維時鄧增亦由壕內馳至助同守
禦開礮轟擊左手指被鎗子斷折徐占彪時正養傷營
內急調各營馳援賊見援兵大至又所踞卡牆已經大
礮轟坍無可藏匿仍狂竄入城徐占彪飭各營仍將原

築營卡修築撥將弁固守此次力戰陣亡守備王安邦
楊世泰李春雲千總劉映富李占奎李長勝楊得貴胡
均貴曹國洪余占春張有貴熊玉山合無仰懇

天恩飭部各照官階從優議卹以慰忠魂臣維金順宋

慶與徐占彪會攻肅城以來遇事和衷商辦均稱得手
攻具又已陸續到齊孤城自可計日攻拔惟肅州本邊
關重鎮堅厚異常而城逆及援逆處必死之地斷無束
手待盡之理負隅窮寇必決死戰固在意中徐占彪傷
尚未愈未能親歷陣前上自應親赴肅州察酌形勢就

近妥商辦理而出關糧運一切必須與金順面商督飭
安涼兩道妥爲籌辦又西路各軍雲集游匪每多混雜
其中宜及早拏辦以靖地方而各郡縣善後事宜尤非
親歷各處諮訪利病難期周妥此臣親赴西路之行所
以不可緩也謹擬拜摺後於十九日卽率隊啓行再甘
省武關鄉試已另摺具

奏臣赴西路如所事速藏自當於十月初旬趕回省城
舉行倘屆時未能返省卽飭甘肅布政使崇保代辦關
務以免士子久候至臣署一切例案已委布政使代行

遇有緊要事件仍隨時包封遞送行營由臣酌奪辦理
所有官軍圍攻肅逆逼城攻剿臣親赴前敵商酌機宜
籌辦糧運各情形詳晰馳陳伏乞

皇上聖鑒訓示謹

奏 同治十二年七月十八日

軍機大臣 字寄同治十二年七月二十九日奉

上諭左宗棠奏圍攻肅城踞逆並親赴前敵一摺官軍
克復東關後復於大南門外逼城修築礮臺營卡該逆
分股占踞兩卡經副將賴長等開礮轟擊仍奪回原築

營卡固守該大臣現在親赴肅州卽著與金順會商督飭各軍力籌進剿近克堅城肅逆勢極窮蹙左宗棠金順務當嚴密布置鎖合長圍就地殄除毋令城賊乘閒出竄又成不了之局各郡縣善後事宜及金順出關後糧運一切卽著左宗棠親歷該處妥籌辦理此次力戰陣亡之守備王安邦楊世泰李春雲千總劉映富李占奎李長勝楊得貴胡均貴曹國洪余占春張有貴熊玉山均著交部各照官階從優議卹以慰忠魂本日據景廉奏回目馬明投順安夷並有西攻綏來之說若勾結

該處逆回撲犯沙山子等處現存兵勇無多防剿均不足恃請飭金順來古助剿等語著金順一面部署出關事宜振旅西行與景廉聯絡聲援以資戰守將此由五百里各諭令知之欽此

軍機大臣 字寄同治十二年八月十二日奉

上諭景廉奏請飭成瑞赴古助剿並陝回攻破馬蓮井營堡各摺片景廉帶兵駐紮古城防剿正在喫緊游擊陳升堂業經該都統遵旨飭令回巴里坤署理總兵之任卽著景廉咨催署烏魯木齊提督成瑞迅速馳赴古城襄辦一切陝回攻破馬蓮井營堡雖經官軍迎剿獲勝惟東西兩路回逆聲息時通關內逆匪分竄安敦哈密深恐勾結烏城回逆互爲聲援其勢又成熾蔓孔才一軍勢難分撥赴哈景廉已咨催巴里坤迅派兵勇並

飛咨金順所部駐紮安西之副都統明春帶領兵勇就近往援惟賊勢正在鴟張兵力究形單薄著金順懷遠疊次諭旨迅率所部剋期出關與景廉聯絡聲勢會剿逆氛毋稍延緩並著左宗棠酌撥勁旅數營前往助剿兼顧巴哈兩城文麟惟當就現有兵力勤加偵探認真防剿毋令賊匪蔓延爲患將此由五百里各諭令知之欽此

軍機大臣 字寄同治十二年八月十六日奉

上諭景廉奏哈密被圍撥兵馳救並請飭烏城迅撥馬
隊赴巴哈援應派援沙山子官兵剿賊獲勝常順等奏
賊氛竄近撥隊迎剿各摺片陝回竄擾哈密盤踞大泉
黃蘆岡一帶分股撲城官軍迎剿失利統領魏忠義張
忻李琦李生元等皆無下落官兵多有陣亡巴里坤亦
有逆回分竄巴哈兩城爲西進大軍後路地方最關緊
要此股回逆勢極披猖現在哈密被圍甚急該城日夜
盼援景廉業經籌撥馬隊前往援應惟賊眾兵單勢難

抵禦且道路窮遠尤恐緩不濟急左宗棠現已馳抵肅
州兵力自厚肅州以窮寇拒守孤城諒不難剋期攻拔
刻下關外事機甚急萬一肅州踞逆鋌而走險勢必與
竄擾巴哈等處賊匪聯成一氣該兩城稍有疏失則賊
勢又復燎原關外用兵較之內地更形棘手大局何堪
設想目下烏垣安夷回逆又時有東犯之意原孤軍
在外兵力難支著左宗棠迅卽撥派勁旅數營馳往哈
密以資援應速將該處賊匪悉數殲除並堵截肅回出
關分竄之路哈城事機十分緊急該大臣務當迅籌調

撥毋稍遲緩致誤戎機金順一軍疊經諭令刻期出關以資防剿現在該處情形較前更急著該前將軍迅卽拔隊起程並先行撥派得力營官馳往接應與明春一軍會同雕剿迅掃逆氛景廉亦當酌度情形妥爲籌布哈密地方緊要文麟當就現有兵力妥籌堵剿毋稍疎虞巴里坤已有賊匪竄近著壽慶勤加偵探實力防守以顧地方烏里雅蘇臺現駐吉林黑龍江馬隊及察哈爾官兵尙稱得力著常順多布沁札木楚文奎妥爲調度迅撥馬隊數百名由草地兼程馳赴巴哈以資援應

賊匪竄及沁城哈喇烏蘇等處與烏城所屬蒙古部落
鬼連常順等現已派撥官兵前往迎擊卽著令認真剿
洗毋令匪賊蔓延景廉所派往援沙山子之營總依勒
和布一軍與遊擊徐學功等剿賊出力准由景廉擇尤
保獎以示鼓勵陣亡官兵並著查明請卹將此由六百
里諭知左宗棠常順多布沁札木楚文奎景廉金順文
麟並傳諭慶壽知之欽此

軍機大臣 字寄同治十二年八月二十日奉

上諭景廉奏派援巴哈兩城並擬親往督隊暨請飭金順出關左宗棠籌辦軍糧請派署哈密幫辦大臣常順等奏派隊大臣協助各摺片覽奏均悉關外回匪竄擾巴哈兩城哈密被圍甚急景廉現派吉爾洪額沙克都林札布統帶馬步隊前往救援惟此股回逆人數甚眾悍賊尤多非厚集兵力難圖剿洗景廉見飭吉爾洪額等兼程前進迅速馳援該都統將濟古兩處防守妥爲布置卽著督帶兵勇親往援應毋稍稽遲該處地方爲

西進大軍糧運後路刻下哈密城圍甚急萬一稍有疏失則不獨西進大軍糧路阻絕卽肅州全局亦爲掣動金順前有帶兵西進之請現在關外情形較關內十分緊急該前將軍曾否起程著懷遵疊次諭旨趨程前往並先撥得力官兵星馳前進會同明春各隊迅解哈密之圍並著左宗棠飭令各屬認真籌辦軍糧在玉門地方安設轉運糧臺以資接濟該大臣仍當懷遵前旨速撥勁旅數營馳赴巴哈兩城迅堵賊氛毋得顧此失彼金順一軍屢次嚴諭剋期出關現在哈密被圍情形如

此緊急若再遷延不進致誤事機定將金順從重治罪
左宗棠所部兵力甚厚儘可分撥出關刻下關外賊勢
鴟張巴哈兩城盼援甚急若坐視不救致該城稍有疏
失定惟左宗棠是問明春現已簡放哈密幫辦大臣責
無旁貸著卽督率兵勇認真剿辦力解城圍該城防守
事宜著文麟就現有兵力妥爲布置毋稍貽誤已里坤
與哈密毘連東西北三路皆有賊匪竄擾著慶壽勤加
偵探固守城防嚴飭兵勇遇賊卽擊常順等四派察哈
爾一起官兵馳往巴里坤一帶會同前次派出達凌阿

防軍其圖援期卽著飭令該官軍迅赴前敵實力應戰
倘事機緊急仍著常順多布沁札木楚文奎就近撥兵
前往以資援應毋得稍分畛域將此由太皇太后諭知
左宗某常順多布沁札木楚文奎景廉金順文麟明著
並傳諭慶壽知之欽此

軍機大臣 字寄同治十二年八月二十七日奉

上諭文麟奏回匪圍攻營堡調隊應援請飭部撥銀兩
各摺片陝回大股會合東路竄匪逼脅纏頭回眾圍攻
哈密城堡勢甚披猖亟應迅速飭沈文麟現巴谷會景
廉金順派兵救援前據景廉奏巴哈軍務緊迫該都統
已派吉爾洪額沙克都林札布帶隊援應卽著景廉飭
令孔才並派出各隊兼程前進該都統將濟古兩處防
務布置妥協卽懷遵前旨督率兵勇迅速回援毋稍遲
緩明春已授哈密幫辦大臣迅卽督率兵勇前赴哈密

會同剿辦金順一軍屢次諭令出關現在哈密情形緊急務當迅率所部剋期起程毋再遷延干咎回王福晉暨伯克頭目等深明大義均屬可嘉回城被匪攻陷後該王晉福等現在何處著文麟查明具奏並傳諭該王福晉等迅速招集回眾毋任去而從賊左宗棠當懷道疊次諭旨分撥兵勇出關助剿一面兼顧金順糧運毋任缺乏肅城賊勢久蹙該大臣親赴前敵督剿軍聲日振即著激勵將士趕緊進攻迅將城池克復並嚴防窮蹙敗匪乘間逃竄出關是爲至要統領魏中義打仗失

利文廳請將該員革職並自請治罪本屬咎有應得姑
念賊眾兵單情尚可原均著加恩寬免仍責成該辦事
大臣就現有兵力將城防事宜嚴密布置不得稍有疏
虞致干嚴譴哈密餉迫切所需兵糧由各路採買均
應速撥款項以濟要需若戶部撥發兵餉現銀十萬兩
糧價現銀五萬兩解交察哈爾都統衙門收存由文麟
委員候補道常祥等領解赴哈俾供支放將此由六百
里各諭令知之欽此

恪請奏稿續編卷五十三目錄

克復肅州盡殲醜虜關內肅清摺

楊世俊等懇 恩賜卹片

請 敕張曜額爾慶額各帶所部出關片

袁保恆請 賞假三月片

補陳戰狀及克復城池情形片

安插肅州老弱回民片

請改撥餉以固軍心摺

克復肅州盡殲醜虜關內肅請揭

奏爲克復肅州城垣首要各逆及土客各悍賊一律殲
除淨盡並辦理善後情形恭摺馳陳仰祈

聖鑒事竊官軍自七月初一至二十七日圍攻肅城踞
逆迭獲勝捷及臣宗棠於八月十二日抵肅各情形業
經詳晰附

奏臣宗棠八月十二日馳抵肅州駐營城南二里許十
三日巡閱長壕察看各軍甚布星羅鎖圍密合其西北
及南門外稍有單薄處所旋飭隨帶鎮西副中兩營分

廢駐紮諸統將均擬乘勢攻拔迅蕲斯役臣等商各將
領約期會攻時臣金順巴於東北角開掘地道準備至
期舉發擬商宋慶合攻東北臣宗棠飭徐占彪陸補參
將楊世俊各挑壯士於城西南角開花礮轟塌處所填
塞賊壕以便騰塌而上一面派隊嚴扼長壕防其衝突
首逆馬四卽馬文祿在城上見臣宗棠整旅遠臨恟懼
殊甚十四日遣人資稟赴徐占彪所部歸化營乞撫請
出關討賊贖罪臣等覺其詐不與批答惟出示城中曉
諭回民老幼婦女免死其誠心乞撫者准詣營投審聽

候分別辦理馬四奉到告示匪不張貼十五夜三鼓徐
占彪楊世俊督隊填壕城上鎗礮連聲不絕副將賴長
等連用後膛礮指轟斃賊不少五鼓填壕登城楊世俊
麾隊猛撲甫及城腰賊乘高死抗鎗子石塊紛集如雨
官軍未能驟登十六日黎明東北角地雷轟發宋慶所
部營官遊擊張林急麾壯士冒鎗石登城賊負隅死鬪
張林身中數鎗裹創血戰旋中子殞命十七日徐占彪
楊世俊於西南城根各掘地道副將賴長守備陳文英
李思經以後膛礮向賊叢連轟臣金順朱慶等以劈山

洋礮對東北城環擊臣宗棠令副將鄧增移大礮一尊
置東北角礮台晝夜指礮各斃賊無算十九日五鼓徐
楊兩軍地道掘成同時舉發楊世俊率奇捷各營壯士
奮勇先登副將歐陽吉星領中營繼之連撲數次斃
賊甚多逆眾於城上斜掘濠以伏踞其中坎上密排又
鎗伺官軍上城連環施放官軍稍却楊世俊憤甚持刀
督戰甫上城頭忽飛子貫腦將士扶救歸營次日而殞
徐占彪見楊世俊創甚仍督壯士分隊猛撲復陣亡二
十餘名帶礮石傷者五百餘名此官軍自十五至十九

等曰攻城未下之實在情形也臣等商議賊剩孤城援絕糧乏自無不滅之理仰攻徒損精銳不如增修壕壘仍一面用後膛開花大礮向城中測準轟擊一面加掘地道困之時劉錦棠報由西甯取道永安赴甘州候調臣宗棠令帶數營前來助剿以所部撫定之河湟番回本賊舊黨可以用奇也九月十四日臣金順派所部壯士從東北城缺口搶登城頭紫卡斷賊由城上往來之路悍賊連日猛撲均經大礮洋鎗擊退斃賊甚多其西南各城土回老弱紛紛乞命臣宗棠逐一提訊據稱城

中糧盡悍賊宰驢馬充飢老弱乞其皮煮食度活餓斃者不知其數聞官軍不殺老幼婦女故偷出逃生也比設局臨水地方留養聽候安插初十日劉錦棠率湘軍五營及已撫回番至肅臣宗棠令其駐營南門陝回軍功崔偉禹中海畢大才甘回軍功法鏡泉馬福壽等日馳馬城下呼馬四及各賊目告以死期已至善自爲謀馬四自知生路已絕哀懇出城乞撫十五日親詣臣宗棠大營泥首乞命適臣金順與宋慶徐占彪劉錦棠均在坐臣等當諭以罪在不赦仍宜遵前諭先繳馬械次

造客上各回戶口清冊聽候審辦安插並令將各悍目
分班帶赴大營听候面諭馬四唯唯聽命嗣是陸續款
營呈繳又鎗一千一百七十餘件劈山礮過山鳥鎗狗
頭礮抬鎗數百件矛桿千餘刀又無數惟戰馬僅繳七
十餘匹據稱連日飢甚已將餓瘦之馬悉殺幸食所贖
止此^臣等飭客回分繳冊籍籍甘州者出東門由宋慶
點驗籍口外沙州者由^臣金順點驗籍西寧河州循化
及陝西者由南門出歸劉錦棠徐占彪點驗各軍預於
附近廢堡分男女安置二十一夜土回頭自金自明領

賊數十潛由大北門竄出臣金順督隊圍擊殲之金自
明伏誅二十二日點驗畢核對冊籍人數有多復拔出
漢民男婦一千一百餘名口二十三口申刻臣宗棠令
提逆首馬四卽馬文祿馬永福馬照馬金龍馬良臣卽
禿鄉約王得勝卽王大漢馬金才卽貴德老四馬良臣
尒阿渾等九犯數其罪磔之中軍號礮三響臣金順宋
慶徐占彪劉錦棠立將各起兇悍客同一千五百七十
三犯悉數駢誅是夜諸軍入城縱火鎗轟矛刺計土回
五千四百餘名除拔出老弱婦女九百餘名口外盡付

焚如肅州以平二十四日安肅道史念祖署肅州知州
李宗笏入城圍眎屍骸枕藉卽老弱婦女亦頗不免蓋
昏夜亂刃交加有不及辨者矣計逆回竊踞州城於今
十載始則土回肇衅繼則馬文祿藍吉楨受首逆安得
璘僞封元帥兇骸更張藍吉楨死馬文祿以西甯繼后
糾聚撒拉回番及西甯河州劇盜偷息於此以通關內
外花門消息西路妥逆中路馬桂源馬本源東路馬化
濬皆資其聯絡中間就撫受職更名馬忠良實則自稱
馬文祿人仍呼之馬四而已當就撫時城內漢民尙三

萬餘名口該首逆殘殺其精壯虜辱其婦女至今遺存
老羸男婦千一百餘口其客回從逆者關外則沙州哈密
密纏頭紅廟子各種關內則西甯河州循化保安營隴
西狄道伏羌甘州各種及陝西流徙之回約共兩萬有
奇能戰者半之漢民日微回黨日聚勢不至淪爲絕域
不止自前年徐占彪一軍進剿由甘州高台轉戰而來
大小數十戰逼賊迸聚一城臣金順繼至而圍始合宋
慶繼至而圍始密東關旣破儲積空矣關外賊走外援
絕矣猶敢倔强一隅誓決死鬪是其命中之技堅悍之

性誠有異於他賊者茲幸

天網高張俾積年逋誅悍賊按籍而誅屠豕割羊無一漏逸在事諸軍功績卓著合無仰懇

天恩優加甄敘記名提督

賞穿黃馬褂哈西巴巴圖魯徐占彪勇略超羣戰功素著身先士卒屢受重傷此次孤軍深入卒拔堅城始終出力應懇

恩施逾格

獎敘以勵戎行湖南提督

賞穿黃馬褂格洪額巴圖輕車都尉世職朱慶遠道遊
征不辭勞瘁機宜允協謀勇兼優應請

旨交部從優議敘提督銜記名總兵業普鏗額巴圖魯
劉宏發提督銜記名總兵湖南綏甯營遊擊果勇巴圖
魯李考祥均請以提督記名請

旨簡放副將銜湖廣督標補用參將霍羅奇巴圖魯詹
恩科請以副將補用並

賞加總兵銜頭品頂帶記名副都統奇車博巴圖魯陸
凌阿請

賞加都統銜副將銜湖南撫標補用參將霍隆武巴圖魯方春發請以副將補用並

賞加總兵銜副將銜湖廣督標補用參將制勇巴圖魯李太洪請以副將補用並

賞換清字勇號總兵銜河南補用副將果勇巴圖魯黃玉安陝西補用副將法什善巴圖魯曹正興均請以總兵記名

簡放副將銜河南撫標補用參將精勇巴圖魯張大發請免補參將以副將仍留河南儘先卽補並

賞加總兵銜藍翎五品軍功徐文康請免補千把以守
備儘先補用並

賞換花翎記名總兵攝勇巴圖魯李成金請

賞加提督銜並

賞換清字勇號副將銜儘先遊擊固勇巴圖魯胡治剛
請免升參將以副將補用記名提督額騰額巴圖魯蔣
東才請

萬安黃馬褂提督額記名總兵圖勒炳阿巴圖魯李寶
林記名總兵摯勇巴圖魯宋得勝均請以提督記名

簡放記名提督胡保林副將銜儘先遊擊劉知檢均儘
賞給勇號副將銜儘先遊擊健勇巴圖魯李人川儘先
遊擊精勇巴圖魯邱明禮均請以參將留於河南儘先
補用記明禮並

賞加副將銜記名提督呼敦巴圖魯陳春萬請

賞穿黃馬褂記名提督動勇巴圖魯金慶元請

賞換清字勇號補用提督勵勇巴圖魯蘇洪順提督銜

記名總兵精勇巴圖魯戴宏勝補用總兵壯勇巴圖魯

李玉春均請以提督記名

簡放並

賞換清字勇號記名總兵錫林巴圖魯能得勝請以提督記名遇有提督總兵缺出請

旨簡放記名總兵李玉山請以提督記名

簡放並

賞給勇號遇缺題奏總兵克勇巴圖魯康得勝請以提督記

簡放並

賞換清字勇號補用總兵綢額巴圖魯朱賢麟請以

提督記名遇有提督總兵缺出請

旨簡放記名總兵噶爾薩巴圖魯齊懷松請以提督記
名

簡放總兵銜甘肅補用副將精勇巴圖名號桂錫楨請
以總兵補用升用副將鏗色額巴圖魯李洪超閑浙補
用副將符先陞儘先副將張存義均請以總兵補用符
先陞張存義並

賞給勇號儘先副將蕭蘭玉請

賞加總兵銜儘先副將富勇巴圖魯李逢春請以總兵

補用並

賞換清字勇號副將銜儘先參將方友升請以副將補用並

賞給清字勇號副將銜留豫補用參將強勇巴圖魯馮桂增請免補副將以總兵補用副將銜儘先參將馬良驥請免補參將以副將儘先補用並

賞給勇號總兵銜福建補用副將伊博德恩巴圖魯鄭增請以總兵記名

簡放記名遊擊勦勇巴圖魯秦玉盛請以參將儘先補

用並

賞加副將銜儘先遊擊董陽春李長樂均請免補參將以副將儘先補用董陽春並

賞給勇號儘先遊擊達勇巴圖魯武朝聘請以參將補用並

賞加副將銜花翎儘先都司鄧洪貴徐春先羅平安均請以參將補用並

賞加副將銜花翎儘先都司李得宜汪春海均請免補遊擊以參將儘先補用花翎儘先都司蒲陽春請以遊

擊儘先補用並

賞給男號藍翎補用都司張長安蕭學剛均請免補遊擊以參將補用並

賞換花翎儘先守備關占春請免補都司以遊擊儘生補用並

賞換花翎藍翎儘先守備陳文英周澤溥均請免補都司以遊擊儘先補用並

賞換花翎儘先守備廖登第請以都司儘先補用並
賞換花翎花翎守備蔡義興請免補都司以遊擊儘先

補用藍翎千總何國學李華林藍明泰均請免補守備
以都司儘先補用並

賞換花翎三品卿銜布政使銜卽選道雲騎尉世職法
福靈阿巴圖魯劉錦棠請

交部從優議敘頭品頂戴陝甘遇缺題奏提督伯奇巴
圖魯譚上連頭品頂戴陝甘遇缺題奏提督奇車博巴
圖魯余虎恩頭品頂戴記名提督倭什洪額巴圖魯熊
有常均請

交部從優議敘升用提督記名總兵胡松額巴圖魯黃

錦雲請以提督

交軍機處記名遇有提督總兵缺出請

旨簡放並

賞加頭品頂戴總兵銜湖南補用副將巴圖隆阿巴圖魯張沛請免補副將以提督總兵

交軍機處記名運有缺出請

旨簡放記名總兵都隆額巴圖魯譚慎典請以提督

交軍機處記名遇有提督總兵缺出請

旨簡放副將銜補用參將胡敦巴圖魯陶鼎金請免補

副參以總兵

交軍機處記名遇有缺出請

旨簡放留陝補用遊擊果勇巴圖魯張俊請免補遊擊
以參將仍留原省儘先補用並

賞給勇號記名提督甘肅肅州鎮總兵官懿勇巴圖魯
章洪勝請

旨交部從優議敘福建補用總兵陳上達河湟肅清案
內擬保總兵

交軍機處記名遇有閩省總兵缺出請

旨簡放並

賞給勇號此次請以提督補用總兵銜副將唐友山請
免補副將以總兵儘先補用並

賞給勇號陝甘補用副將楊金魁請以總兵記名請

旨簡放副將銜參將朱達陸河漳肅清寨內擬保副將
加總兵銜並

賞給勇號此次請以總兵儘先補用花翎都司徐鳳高
雷文勝均請免補都司以遊擊儘先補用並

賞加參將銜花翎守備楊鳳山黃忠和均請免補守備

以都司儘先補用並

賞加遊擊銜頭之頂戴福州副都統清阿圖克巴圖魯
全福請

旨交部從優議二花翎驍騎校儘先佐領委參領雙成
請以協領儘先內補並

賞換二品頂戴花翎儘先驍騎校委參領德勝請免補
防禦以佐領儘先卽補並先換頂戴總兵銜補用副將
克勇巴圖魯歐陽吉星請以總兵記名請

旨簡放花翎儘先補用參將張佳志河湟肅清案内擬

保副將銜

賞給勇號此次請以副將儘先補用並

賞加總兵銜補用守備蕭芳林河湟肅清案內擬保花翎都司此次請以遊擊儘先補用藍翎補用守備周桂林河湟案內擬保花翎此次請以遊擊儘先補用湖南補用總兵壯勇巴圖魯余起立請

賞換清字勇號花翎遊擊楊月照河湟案內擬保參將加副將銜此次請以副將留甘補用藍翎都司王錦以何湟案內擬保花翎遊擊此次請以參將留甘補用花

翎補用參將魏治家河湟案內擬保王將此次請

賞加總兵銜並

賞給勇號藍翎都司李清貴河湟案內占保花翎遊予
此次請以參將補用並

賞加副將銜六品軍功毛占魁易紫臨河湟案內擬保
把總此次均請免補千總以守備儘先補用並

賞戴藍翎藍翎外用芟玉臣河湟案內擬保千總此次
請以守備建先補用並

賞換花翎花翎都司銜儘先守備汪海春請以都司留

卽補並

賞加遊擊銜花翎遊擊銜儘先都司周鵬素請以遊擊
留甘補用並

賞加參將銜留陝補用副將胡珍品河湟案內擬保總
兵此次請

賞加提督銜並

賞給勇號湖廣補用副將賀興隆河湟案內擬保總兵
此次請以總兵仍留原省請

旨簡放並

賞加提督銜花翎湖南補用參將易玉林河湟案內擬保副將此次請免補副將以總兵仍留原省請

旨簡放花翎副將銜儘先卽補參將左桂棠河湟案內擬保副將此次請免補副將以總兵分省補用提督銜記名總兵健勇巴圖魯萬守根請以提督補用並

賞給正一品封典提督銜記名總兵果勇巴圖魯楊龍彪河湟案內擬保清字勇號此次請以提督記名簡放並

賞給一品封典儘先都司宋得祿請以遊擊留甘遇缺

卽補並

賞給勇號藍翎遊擊銜補用都司劉福田請免補都司
以遊擊儘先補用並

賞換花翎副將銜儘先補用參將蒯發祥請免補參將
以副將儘先補用並

賞加總兵銜花翎遊擊銜儘先補用都司胡得貴請免
補都司以遊擊留於陝甘遇缺儘先補用並

賞加參將銜記兵題補總兵李嘉泰請免補總兵以提
督記名請

旨簡放記名提督葉鏗額巴圖魯陶生林請

交部從優議敘總兵銜儘先補用副將盧有升河湟
案內擬保總兵並

賞給勇號此次仍請以總兵遇缺請

旨簡放總兵銜儘先補用副將周國泰河湟案內擬保
賞給二品封典此次請以總兵儘先補用藍領都司銜
儘先守備黃得榮河湟案內擬保都司加遊擊銜並
賞換花翎此次請以遊擊儘先補用藍翎把總熊來海
請免補千把以守備儘先補用並

續修四庫全書
賞換花翎軍功崔偉舉太才禹中海均請

賞給花翎五品頂戴六品軍功法進全馬福壽海有德
治承興楊迎春高秀春均請

賞給藍領五品頂戴此外尤爲出力將領員弁尙多容
卽核明彙保其應咨部者亦卽一別咨部註冊以勵戎
行所有克復肅州城垣盡殲醜虜其自關內一律肅清
緣由謹合詞恭摺馳陳伏乞

皇上聖鑒訓示施行謹

奏

同治十二年十月初七日

楊世後等懇 恩賜卹片

再攻肅陣亡之前署肅州鎮總兵記名提督王子龍補用總兵西濟爾渾巴圖魯陳登雲補用副將周玉林已革頭品頂戴記名提督斐陵阿巴圖魯降補參將楊世俊副將銜儘先遊擊奮勇巴圖魯張林均因攻剿踞逆先後血戰捐軀深堪憫惜之至又幫統蜀軍記名提督黃虎臣從征關隴戰功卓著嗣因積勞成疾於七月初二日在營身故此皆一時驍健樸勇軍營難得之選王子龍陳登雲周玉林均應請

旨交部按照官階議給

卹典楊世俊一員從征十餘載樸勇善戰素所深知嗣因太子寺退營經臣宗棠奏請降補參將旋飭赴肅助剿極知愧奮每戰必先方期克城後籲懇

恩施開復原官以示獎勵茲因首先登城中鎗殞命尤爲悼惜應請

旨開復原官照提督例

賜卹以慰忠魂其黃虎臣一員應請

飭部照提督軍營立功後病故例議給

卹典此外各軍陣亡將弁尙多容俟查明彙案請

卹謹附片陳明伏乞

聖鑒訓示施行謹

奏

同治十二年十月初七日

同治十二年十月二十四日內閣奉

上諭左宗棠金順奏克復肅州城垣首要各逆殲滅淨盡請將出力員獎敘一摺肅州逆回自東關克復後該逆踞守孤城猶敢負隅抗拒左宗棠於本年八月間馳赴肅州督飭徐占彪等軍分投進攻十五十九等日

斃賊甚多復添調劉錦棠各營助剿九月初四日金順
派所部槍登城頭紮卡擊斃悍賊多名逆首馬四自知
罪不容誅於十五日出城乞撫二十三日左宗棠親提
該逆并馬永福等各犯悉數其罪當卽正法金順朱慶
徐占彪劉錦棠并將各起兇悍客回立予駢誅諸軍隨
卽入城將土回悉數殲除當將肅州克復逆回竊踞肅
州城垣於今十稔實屬罪無可逭見經左宗棠金順將
首要各逆殲滅淨盡實足以申天討而快人心左宗棠
親臨前敵激勵各將領協力攻剿克復堅城實屬督率

有方深堪嘉尚金順督軍助剿共奏膚功亦屬奮銳可
嘉除再降諭旨加恩外提督徐占彪身先士卒卓著戰
功著加恩賞給雲騎尉世職在事出力各員均著有微
勞自應量予獎敘提督宋慶著交部從優議敘總兵劉
宏發等均著以提督記名請旨簡放參將詹恩科著以
副將補用並賞加總兵銜副都統薩陵阿著賞加都統
銜參將方春發著以副將補用並賞加總兵銜李大洪
著以副將補用並賞換西拉糊阿巴圖魯名號副將黃
王安等均著以總兵記名簡放參將張大發著免補參

將以副將仍留河南儘先卽補并賞加緋兵銜軍功徐
文殿著免補千總把總以守備儘先補用并賞換花翎
總兵李成金著賞加提督銜并賞換已達朗阿巴圖魯
名號遊擊胡治國著免升參將以副將補用提督蔣東
才著賞穿黃馬褂總兵李寶林等均著以提督記名簡
放提督明保林著賞給盛勇巴圖魯名號遊擊劉知儉
著賞給力勇巴圖魯名號李大川等均著以參將留於
河南儘先補用內邱明禮并賞加副將銜提督陳春萬
著賞穿黃馬褂金慶元著賞換法什尙阿巴圖魯名號

蘇洪順等均著以提督記名簡放蘇洪順并賞換烏龍
巴圖魯名號戴宏盛并賞換額爾克巴圖魯名號李王
春并賞換德楞額巴圖魯名號總兵龍得勝著以提督記
名遇有提督總兵缺出請旨簡放李玉山著以提督記
名簡放并賞給振勇巴圖魯名號康得勝著以提督記
名簡放并賞換哈齊祥阿巴圖魯名號宋賢聲著以提
督記名遇有提督總兵缺出請旨簡放齊懷松著以提
督記名簡放副將桂錫楨著以總兵補用李洪超等均
著以總兵補用內符先陞並賞給利勇巴圖魯名號張

存義并賞給資勇巴圖魯名號蕭蘭玉著賞加總兵銜
李逢春著以總兵補用并賞換滿多巴圖魯名號參將
方友升著以副將補用并賞給哈豐阿巴圖魯名號馬
桂增著免補副將以總兵補用馬良駿著免補參將以
副將儘先補用并賞給尙勇巴圖魯名號副將鄧增著
以總兵記名簡放遊擊秦玉盛著以參將儘先補用并
賞加副將銜董陽春等均著免補參將以副將儘先補
周董陽春并賞給精勇巴圖魯名號武朝聘著以參將
補用并賞加副將銜都司鄧洪貴等均著以參將儘先

補用並賞加副將銜李得宜等均著免補遊擊以參將儘先補用蒲陽春著以遊擊儘先補用并賞給敢勇巴圖魯名號張長安等均著免補遊擊以參將儘先補用并賞換花翎守備關占春著免補都司以遊擊儘先補用并賞換花翎陳文英等均著免補都司以遊擊儘先補用並賞換花翎廖登第著以都司儘先補用并賞換花翎蔡義興著免補都司以遊擊儘先補用千總何國學等均著免補守備以都司儘先補用并賞換花翎道員劉錦棠著交部從優議敘提督譚上連等均交部從

優議敘總兵黃錦雲著以提督交軍機處記名遇有提
督總兵缺出請旨簡放并賞加頭品頂戴副將張沛著
免補副將以提督總兵交軍機處記名遇有缺出請旨
簡放總兵譚慎典著以提督交軍機處記名遇有提督
總兵缺出請旨簡放參將陶鼎金著免補參將副將以
總兵交軍機處記名遇有缺出請旨簡放遊擊張俊著
免補遊擊以參將仍留原省儘先補用并賞給確勇巴
圖魯名號總兵章洪勝著交部從優議敘總兵擬保記
名遇有閩省總兵缺出請旨簡放陞上達著以提督補

用副將唐友山著免補副將以總兵儘先補用并賞給
固勇巴圖魯名號楊金魁著以總兵記名請旨簡放參
將擬保副將朱達陸著以總兵儘先補用都司徐鳳高
等均著免補都司以遊擊儘先補用並賞加參將銜守
備楊鳳山等均著免補守備以都司儘先補用并賞加
遊擊銜副都統全福著交部從優議敘委參領雙成著
以協領儘先卽補并賞換二品頂戴驍騎校委參領德
勝著免補防禦以佐領儘先卽補先換頂戴副將歐陽
吉星著以總兵請旨記名簡放參將張佳志著以副將

儘先補用並賞加總兵銜守備擬保都司蕭芳林著以
遊擊儘先補用守備周桂林著以遊擊儘先補用總兵
余起立著賞換陞陵阿巴圖魯名號遊擊擬保參將楊
月照著以副將留於甘肅補用都司擬保遊擊王錦鑾
著以參將留於甘肅補用參將擬保副將魏治家著賞
加總兵銜并賞給武勇巴圖魯名號都司擬保遊擊李
清貴著以參將補用并賞加副將銜軍功擬保把總毛
占魁等均著免補千總以守備儘先補用并賞戴藍翎
外委擬保千總艾玉臣著以守備儘先補用并賞換花

翎守備汪海春著以都司留於甘肅卽補并賞加遊擊
銜都司周鵬翥著以遊擊留於甘肅補用并賞加參將
銜副將擬保總兵胡珍品著賞加提督銜并賞給綽勇
巴圖魯名號賀興隆著以總兵仍留原省請旨簡放并
賞加提督銜參將擬保副將易玉林著免補副將以總
兵仍留原省請旨簡放左桂棠著免補副將以總兵分
發省分補用總兵萬守根著以提督補用并賞給正一
品封典楊龍彪著以提督記名簡放并賞給一品封典
都司宋得祿著以遊擊留於甘肅遇缺卽補并賞給堅

勇巴圖魯名號劉福田著免補都司以遊擊儘先補用
并賞換花翎參將劉發祥著免補參將以副將儘先補
用并賞加總兵銜都司胡得貴著免補都司以遊擊留
於陝甘遇缺儘先補用并賞加參將銜總兵李嘉泰著
免補總兵以提督記名請旨簡放提督陶生林著交部
從優議敘儘先補用副將擬保總兵盧有升著以總兵
記名遇缺請旨簡放副將周國泰著以總兵儘先補用
守備擬保都司黃得榮著以遊擊儘先補用把總熊來
海著免補千總把總以守備儘先補用并賞換花翎軍

功崔偉等均著賞給花翎五品頂戴法進全等均著賞給藍翎五品頂戴其餘尤爲出力將領員弁卽著查明保奏候朕施恩另片奏請陣亡病故各員分別議卹等語記名提督王子龍補用總兵陳登雲補用副將周玉林均著交部各照官階議卹已革頭品頂戴記名提督降補參將楊世倌著開復原官照提督例賜卹記名提督黃虎臣著交部照提督軍營立功後病故例議卹陣亡副將銜儘先遊擊張林未據聲請卹典著左宗棠等查明具奏餘著照所議辦理該部知道欽此

請飭張曜額爾慶額各帶所部出關片

再臣同治十二年八月二十日欽奉

上諭關外同匪竄擾巴哈兩城哈密被圍甚急景廉見派吉爾洪額沙克都林札布統帶馬步隊前往救援惟此股回逆人數甚眾悍賊尤多非厚集兵力難圖剿洗著景廉飭吉爾洪額等兼程前進迅速馳援該都統將濟古兩處防守妥爲布置卽著督帶兵勇親往援應毋稍稽遲該處地方爲西進大軍糧運後路刻下哈密城圍甚急萬一稍有疏虞則不獨西進大軍糧路阻絕卽

肅州全局亦爲掣動金順前有帶兵西進之請見在關
外情形較關內十分緊急諺前將軍曾否起程著懷遵
疊次諭旨趨程前往並先撥得力官兵星馳前進會同
明春各隊迅解哈密之圍並著左宗棠飭令各屬認真
籌辦軍糧在玉門地方安設轉運糧臺以資接濟該大
臣仍當懷遵前旨速撥勁旅數營馳赴巴哈兩城迅掃
賊氛伊得顧此失彼金順一軍屢次屢諭剋期出關見
在哈密被圍情形如此緊急若再遷延不進致誤事機
定將金順從重治罪左宗棠所部兵力甚厚儘可分撥

出關見在關外賊勢鴟張巴哈兩城盼援甚急若坐視不救致該城稍有疏失定惟左宗棠是問等因欽此臣

聞

命之下惶悚實深關外軍情緊迫金順一軍整理需時臣白當遴派勁旅出關以資臂助惟肅州甫經克復各軍勞乏過甚損折亦多亟須整理見正擬酌量汰撤稍節虛糜若於各營中零星抽撥湊合成營則兵將兩不相習恐難驟收實效惟駐紮鎮番廣東陸路提督張曜所部嵩武一軍步隊十二營馬隊兩營整理年餘蓄銳

已久張曜素嫻輅略曾蒙

聖明洞鑒及之且與金順共事數年彼此相習臣前路
過涼郡面商關外增軍一事張曜毅然請行臣深佩慰
此時金順所定出關二十營整理既需時日臣若僅派
數營先往誠恐兵力仍單此不得不調嵩武全軍之實
情也惟所部馬隊僅止兩營仍應添派得力之營以期
得力查穆圖善續調之吉林黑龍江馬隊頗有堪資挑
撥者臣竊見涼州副都統額爾慶額勇幹有爲由管帶
吉江馬隊著續

簡放是職金順亦稔知其人堪以派往應請
旨飭下張曜額爾慶額各帶所卽出關共收實效臣
面先籌兩軍糧運俾資裹帶毋誤師期如蒙
俞允張曜額爾慶額應請

飭幫辦金順置務俾盡其營畫之長庶期共濟近據玉
門安西州商民傳言哈密解嚴賊復西遁未知確否然
增軍出關則仍未敢視爲緩圖也至欽奉
諭旨飭於玉門安設轉運糧台一節竊維用兵必設糧
台總司收發支應各處皆然從前西北用兵

欽派重臣駐紮辦理糧台歷有成案。調督陝甘時因
餉需不濟祇於湖北設後路糧台陝西設西征糧臺專
司各省協餉而一切軍需支應製造轉運諸務皆節節
設局經理不敢多設糧台愚陋之見竊因糧台一設所
需差委員弁及製造軍需匠作夫役護台將弁兵勇辦
公薪糧等項需費浩繁當茲艱鉅之秋自應力求撙節
惟恐局勢日侈需用日多不如設局之結算較便稽核
易施也究之頭緒紛繁事無巨細均須躬親裁決於庶
務時有叢脞之虞而報銷亦難以速辦茲蒙

請設立轉運糧台實關外亟應興辦之事亦微臣早擬
陳請者可否仰懇

天恩於戶部堂官內

簡任賢能總司其事並令選派廉幹司員攜帶帑銀出
關辦理以昭慎重之處出自
聖裁謹一併附片覆陳伏乞

訓示施行謹

奏同治十二年十月初七日

袁保恒請 賞假三月片

再准辦理西征糧台二品頂戴詹事府詹事袁保恒咨
稱保恒祖母郭氏年近百齡所賴以侍養者惟胞叔重
三及從兄保慶頃得家書胞叔重三八月病故從兄保
慶先於本年六月病故江甯鹽道任所聞信之下焦急
難名竊維祖母百齡暮齒值此憂虞疊集老淚應枯咨
由臣代懇

天恩賞假三箇月回籍省視如蒙

愈允應將本年西征餉項籌畫有著出關轉運車驟趕
辦完竣再當啟行糧台事務委員代折代行遇有緊要

事件仍由包封遞至沿途辦理以臻周妥請代

奏前來臣查袁保恒咨稱各情實出於至性所不容已

雖見值籌餉緊迫之際未便壅不以聞可否仰懇

天恩俯准袁保恒假期三月回籍省視之處出自

聖裁謹附片具陳伏乞

訓示施行謹

奏
同治十二年十月初七日

軍機大臣 字寄同治十二年十月二十四日奉

上諭左宗棠金順奏克復肅州首要各逆及上客悍賊

殲滅淨盡左宗棠奏籌畫出關情形請將袁保恒賞假
三箇月各摺片肅州逆匪經左宗棠與金順分督各軍
存合圍攻並各掘地道進擊逆首馬四以勢蹙詣營乞
撫經左宗棠等飭令呈繳馬械點驗冊籍九月二十三
日該大臣將逆首及各起兇悍各回悉數誅戮卽如是
夜克復肅城覽奏實深欣慰本日已明降諭旨宣示並
先將徐占彪賞給雲騎尉世職及出力各員照所請獎
勵矣所有肅城善後及甘省一切事宜應如何次第興
辦撫輯地方以資培養之處著該大臣通盤籌畫妥爲

布舊前因關外軍情緊迫疊諭金順統率所部出關左
宗棠揀派得力將弁前往助剿茲據該大臣奏稱提督
張曜素嫻韜略副都統額爾慶額勇幹有爲均堪派令
出關會同勦辦所籌甚妥卽著知會張曜統帶嵩武全
軍額爾慶額統帶吉林黑龍江馬隊會同金順馳往關
外迅掃賊氛金順一軍勞乏過甚自應略加整理仍著
該前將軍趕緊部署卽率得勝之師早日西進不可過
於延緩左宗棠務將各軍糧運妥爲籌辦俾利師行安
設轉運糧台一節該大臣請於戶部堂官內揀員總司

其事並令選派廉幹司員攜帶帑銀出關辦理著候旨
遵行惟糧運事宜必須地方大吏督率呼應方靈即使
派員前往仍須該大臣會同籌辦方能有濟也袁保恒
著賞假三箇月俾令回籍省視所有西征糧台事務著
左宗棠知照袁保恒將見辦事宜趕辦完竣並遴派妥
員暫行接管袁保恒一俟假滿卽行赴陝經理毋稍遲
延將此由六百里各諭令知之欽此

補陳戰狀及克復城池情形片

再官軍自閏六月十一至二十七日圍攻肅城踞逆通

城築壘併力攻剿及臣親赴前敵商酌機宜籌辦糧運各情形業於七月十八日詳悉陳明七月初一日據逃出難民供稱賊因東關已被官軍攻克長圍愈緊勢尤危迫各逆日造長車數十架每架長二丈四尺寬一丈五尺止安擋牌毡片以禦槍礮下用軸轆以數十人共推一架意圖駕壕而過徐占彪傳諭各營預爲部署初六日五鼓大南門果出悍賊四五千均推擋牌長車分爲三股一撲歸化營新築營卡一撲新左營長壕一撲右營長壕並拔壕外木椿蜂擁搭壕徐占彪令各營以

洋礮劈山礮憑壕環擊轟毀擋牌斃賊頗多扒壕之賊
爲牙壕隊伍刀斫矛刺紛紛倒仆維時歸化營營卡之
賊亦經該營擊退參將楊世俊率所部奇捷營急由西
南角馳至合提督陶生林副將桂錫楨參將馮桂增方
友升遊擊秦玉盛武朝聘等馬步各營及安肅道護勇
齊隊越壕奮威追殺副將邵增賴長以後膛大礮連放
三十餘響擊斃尤眾傷者不可勝計各軍奪獲牌車四
十餘架賊卽敗遁時金軍於東北角用開花礮對城轟
攻末軍排列東南長壕鎗礮環施賊仍向南門敗竄回

城復由城中馳赴東北與金軍拚鬥金軍仍以鎗檣指
擊斃賊無數據擒賊攻稱賊目馬四傳詭黨眾乘蜀軍
統領傷尚未愈突圍狂竄此次城賊攜帶牌車棹擡出
撲兇談仍熾益自知處於必死之地故鬪志益決不虞
仍爲官軍所敗志不得逞也十八日徐占彪以楊世傑
所築城西南之苦水堡地勢較高商令修築礮台攻西
南兩面十九日三鼓賊大股由北門繞出城西北急思
乘夜竄遁前隊賊千餘名直撲元亨新中三營壕壘各
營鎗礮齊施斃賊多名徐占彪復調先鋒親兵營及方

友升馮桂增等馬隊應援賊見兵力愈厚長壕扼守甚嚴仍退縮入城二十三日西南城角之苦水堡礮台築成高與城齊寬能排置大礮二尊台側有水溝二道便於設伏溝西南土塬層疊而塬畔距城根僅十餘丈溝南塬中又有破牆溝西塬直接禮拜寺官軍營壘二十五夜徐古彪派新後營副將康得勝撥隊南塬就破牆築卡副營總兵宋賢聲於西塬塬邊築卡總兵李玉春率先鋒親兵營列隊護之元亨正新左新中右捷中左等營幫修卡壕賊見官軍逼城添築卡壘城上鎗礮施

於益緊鄧增賴長以後脰大礮指轟如退縮城下兩卡
均連夜築成二十六夜徐占彪令元亨副新中四營楊
世俊所部捷中左兩營由西塬開挖深溝一道橫連禮
拜寺正右新左營由南塬挖溝橫通礮台側之水溝口
仍派李玉春率先鋒親兵營於前面列隊以護每營分
挖三十餘丈深約五尺寬六七尺連夜竣工盡以步隊
十營各挑壯士暗伏溝內待後脰礮轟塌城身乘機進
取夜則飭派馬隊改步伏之抽步隊回營守壕是夜鎗
礮如雨鄧增賴長以後脰礮連轟乃息時城西復出賊

三四百名蜂擁來撲先鋒營擊卻之二十七夜徐占彪以水溝口礮台距城較近令先鋒營於溝南紮卡商派楊世俊紮卡溝西互爲犄角飭鄧增賴長陳文英日用頭二號後膛大礮測準轟攻計西南城角轟塌七十餘垛口城身外面輒石亦多塌卸八月十二日臣馳抵肅州駐軍城南二里許會督各軍晝夜攻勦所有八月十二以後戰狀及此次克復城池各情形另摺具奏以清眉目謹附片馳陳伏乞

聖鑒訓示謹

奏同治十二年十月初七日

安插肅州老弱回民片

再肅城土客逆回業已辦結其老弱婦女二千數百名概行遞解蘭州設局留養俟臣宗棠凱旋擇地分起安插以廣

皇仁惟客回種類不一其由哈密遷來之纏頭回子一種見止二百零八名據稱係康熙年間來肅近爲肅逆迫脅死傷甚多哀懇於內地安插其沙州紅廟子一帶回族則地方尚未肅清更無遣歸之理且人數所贍無

多婦女老弱居其大半臣等已飭一同解赴蘭州再候
安插見在肅州實無一回羈維其甘州涼州各回死亡
殆盡亦無遺種從此關內外花門勾結當可無虞特自
古徙戎之舉均係自內及外無由邊邊腹之例局外議
論非所敢知然熟察情實非此不能杜疊隙而靖邊疆
理合據實密陳伏乞

聖鑒訓示謹

奏同治十二年十月初七日

殊批知道了欽此

請改撥的餉以固軍心摺

奏爲餉項奇絀萬難支持懇

恩改撥的餉以固軍心事竊臣准戶部咨鈔速議西征
糧台一摺知袁保恒奏請指撥江海浙海關海粵海江
漢各關四成洋稅軍餉各二十萬兩共一百萬兩於九
十兩月內全數解運勉供邊費部臣議奏在江海關海
粵海各關六成洋稅內各撥銀十萬共三十萬兩在各
省積欠項下酌提三十萬以符歷次奏請一月滿餉之
數奉

旨依議欽此竊維部撥臣軍各省關協餉積欠陳陳相
因截至本年九月其欠至一千七百九十六萬餘兩而
臣軍近數年僅能發年終一月滿餉今歲係有閏之年
出款多占一箇月加以肅州安西州餉糧轉運制兵餉
乾難民賑濟安設驛站修葺城堡及各屬縣散販購種
各難民遷徙支庸發給寒衣與夫隨時遣撤傷殘勇丁
等項至繁日鉅縱各省及海關照常年協解如期不敷
之款已在百萬兩上下而穆圖善一軍糧餉鹽菜滿餉
等項不與焉此出款之無可減也以常年經入之款而

言福建輪船每月撥去二萬兩廣東山西河南湖北四
川浙江及各省協濟報解均照常年遲緩推壓一月卽
短絀一月計截至年抵約欠數十萬兩此入款之無可
增也臣軍出款旣多於常年各省協款翻少於常年袁
保恒之請撥海關四成洋稅百萬兩蓋明知甘肅餉事
日艱餉源日絀待用甚急大局難支六成洋稅旣經提
撥無存不得不請撥四成良非得已也部臣常年奏提
各省積欠甘餉六十萬兩本係減數催取俾其輕而易
舉之意而各省尙未能如數起解或仍拖欠二十萬十

餘萬兩不等茲又議減半提三十萬兩果能如數解到
乎是催提積欠徒屬虛文也部撥海關六成洋稅三十
萬兩江海粵海之有撥與否臣無從知若閩海之十萬
兩則閩浙督臣李鶴年前奏共止一百三十五萬兩除
陸續撥過外不敷銀已二十五萬兩是部撥閩海六成
洋稅又屬虛文也六成洋稅既鮮可指四成洋稅又不
准撥臣軍前此一年尙發兩月滿餉嗣後一年發一月
滿餉至今則一月滿餉尙無可發軍心不問可知飢餓
之餘慈父不能育其子臣豈能以虛言撫慰之哉夫四

成洋稅原備緩急之需部臣總司國計先根本而後邊疆固其宜也然耗中國以事四夷秦漢固爲失策唐之中葉斂外藏以資京師陸贄屢疏力諍亦何嘗非謀國之忠乎伏乞

皇恩垂念西事艱難邊軍困苦

俯准袁保恒所奏仍將四成洋稅指撥甘餉庶甫靖邊疆無憂他變而軍情帖然

皇威還暢微臣亦可倖免咎戾西陲之幸亦時局之幸也臣因時近歲暮餉事尙無可望不得已飛飭上海轉

運局道員胡光墉向華商洋商籌借銀一百萬兩照前
出備息銀如蒙

天恩准撥四成洋稅則息銀亦可減少又各省協款向
來正月起解者極少誠恐臘盡春初餉事不能接續又
飭辦理湖北各路糧台道員王加敏向漢口各商籌借
銀數十萬兩以資接濟將來卽以收到各省協款陸續
抵償謹一併據實陳明伏乞

皇上聖鑒訓示施行謹

奏

硃批戶部速議具奏欽此

軍機大臣 字寄同治十二年十月二十五日奉

上諭昨據左宗棠奏餉項奇絀請撥四成洋稅以資接濟當經降旨交戶部速議具奏第思甘肅地方瘠苦見又時屆隆冬該將士荷戈關隘寒冽異常朕心深爲軫念本日已諭知戶部於庫存項下撥銀一百萬兩陸續解往左宗棠於此項銀兩解到後即可酌放月餉俾資飽騰至該大臣軍營餉需亦諄諭戶部嗣後務撥有著之款不得以空言搪塞該大臣所請簡派戶部堂官辦

理糧台事宜自爲慎重起見但轉運採買非得地方大吏辦理則呼應不靈該大臣素顧大局朕所倚畀不必再派部院大員以期事權歸一此次攻拔肅城窮蹙之寇幸皆聚而殲旃關外安敦王等處有無匪徒竄匿哈密曾否解嚴迄今未據文麟奏報關內如甘涼平番一帶尙有無零星餘匪西甯河州撫事諒不至再有反覆甘郡甫經戡定亟須有兵勇擇要安紮以資鎮撫該大臣所部各營官兵數年來隴右馳驅勞苦已久自應一面量加休息一面設法裁併庶一兵可得一兵之用而餉

亦不至虛糜至將來關外用兵餉固難籌糧尤屬不易應如何先事豫籌該大臣諒早計及著將兵事餉事統籌全局悉心經理與關內外地方情形一併詳細奏聞張曜額爾慶額馬步各隊何時可以出關金順昨亦諭令將兵勇略加休憩卽率得勝之師西進所有出關官兵糧餉轉輸及採買一切事宜該大臣自無不引爲己在不待朕之諄諄訓諭也將此由六百里諭令知之欽此

軍機大臣 字寄同治十二年九月十九日奉

上諭文麟奏馬隊官兵剿賊叠勝接據敦煌稟報賊情
并賊匪圍攻營堡請飭催援兵來哈及軍糧缺乏請催
錫倫回任各摺片所奏應援塔爾納沁及馬隊剿賊情
形尙係閏六月間之事刻下賊匪勾結回城纏頭圍攻
哈密營堡甚急前經疊次諭令左宗棠等迅速派兵援
應乃各路官兵均無到哈信息該城日夜盼援事機刻
不容緩吉爾洪額等軍計已行抵巴里坤距哈甚近卽
著景廉飭令該副都統等趨程前進速解城圍文麟

面派員迎提母任藉故逗留致誤大局景廉續派之馬
隊三百名並著飭令田錫禮迅速統帶前往以資接應
孔才所部馬隊並黑龍江馬隊景廉務當移緩就急飭
令兼程赴哈會同各軍迅速進剿金順終未據報出關
殊不可解該軍兵力頗厚卽著懷遵疊次諭旨剋期前
進并先派得力將領統帶馬隊星夜馳援不得貽誤機
宜致干重咎左宗棠此時諒已派隊起程著卽催令派
出官兵迅速前進毋稍遲延金順一軍糧運仍著該大
臣飭令地方官妥爲辦理錫綸已授爲烏魯木齊領隊

大臣所遺哈密幫辦大臣早已簡放明春屢經催令帶
隊星馳赴哈卽著會同文麟將該城防守事宜悉心籌
畫以顧地方并將起程及到哈日期迅速奏聞文麟見
在病勢若何殊深惻系目下事機緊迫該大臣仍當妥
爲籌布力任其難以期毋負委任該城屯糧被賊搶掠
軍食缺乏殊屬可虞著左宗棠景廉妥爲設法力籌接
濟將此由六百里各諭令知之欽此

軍機大臣 字寄同治十二年十月初九日奉

上諭景廉奏請停止運糧以紓壑力文麟奏固守哈密
擊賊獲勝托倫布等奏賊犯科屬撥隊迎剿各一摺哈
密被匪圍攻日久經文麟督率兵勇實力攻剿力保危
城洵堪嘉尚本日已明降諭旨將文麟賞加副都統銜
以示獎勵矣此股賊匪經官軍截剿獲勝後曾否他竄
前據常順等奏探得哈密賊蹤有西竄吐魯番之信是
否分股西擾抑係探報不確卽著文麟明春據實奏聞
文麟等務當激勵兵勇嚴密探訪遇賊卽擊毋稍疏懈

明春究於何日馳抵哈密該處地方緊要兵力甚單左宗棠究派何隊馳援肅州踞賊經官軍圍剿窮蹙萬一以出關爲走險之路則巴哈兩城適當其衝受害不可勝言著左宗棠督飭各軍迅圖攻拔務將賊匪就地殲除勿任逃竄出關致貽大患應如何派兵截剿堵賊出關之處著該大臣妥爲籌畫不得稍涉疏虞一面飭令派援哈密之軍星夜趨行前往以厚兵力金順何日拔隊何以日久未據奏報起程仍著懷遵疊諭帶隊迅速西進科布多屬矣有賊匪鼠擾軍台將景廉軍營押解

軍裝餉銀十八畝全行掠去托倫布等見派官兵馳往
探剿卽著飭令該官兵確切偵探認真防剿并著常順
多布心扎木楚文奎一體嚴防以顧台路緊廉以古成
一帶採糧甚易請將口北歸綏兩道運糧全行停止以
節糜費刻下金順帶兵出關前經疊諭左宗棠將該軍
糧運妥爲籌畫卽著該大臣擇地設立糧台由關內源
源運解以裕兵食察哈爾所省運費米價著額勒和布
奎昌毋庸撥解以節經費將此由六百里各諭令知之
欽此